

Laŭzana Esperanto-Societo

Septembro
2024



No 7

Laŭzana Esperanto-Societo

p.a. ch. de la Vallombreuse 14

CH - 1004 Lausanne

sekretario@eo-l.ch

+41 21 647 29 28

facebook.com/esperantolausanne

youtube.com ... esperantolausanne

dailymotion.com/esperantolausanne

poŝtĉekkonto : CCP 10-26785-8

Komitato 2024

Prezidanto :

Maryse Tissot (079 408 71 76)

Vicprezidanto :

Knud Sunier (079 210 97 75)

Sekretario :

François Randin (076 411 14 55)

Kasisto :

Françoise Pétermann (079 517 44 43)

Redaktoro :

Rosario Scopelliti (079 264 41 08)

Marde la 3^{an} de septembro je 19h.

en halo 18 de Palaco de Beaulieu en Laŭzano.

**Ni ĵonglos per
la afiksoj.**



Ĉiuj el niaj kunsidoj aperas ĉe: eventaservo.org/o/LES

Nia membraro funebras:

Ni havas la doloron anonci al vi la malaperon de du el niaj fidelaj kaj aktivaj membroj. La 5^{an} de julio forpasis Gilbert Darbellay, kiu 91-jaraĝis kaj la 26^{an} de julio, Marie-Antoinette Sunier, kiu 83-jaraĝis. Ni kondolencas ilian familion, speciale al Marie-Thérèse kaj al Knud, nia vicprezidanto.



Feria Pasporto Laŭzana, julie kaj aŭguste.

Dank'al la helpo de kelkaj membroj de nia societo, LES gastigis 44 infanojn kaj adoleskantojn, inter 9 kaj 15-jaraĝaj, kiuj partoprenis mini-kurson de esperanto. Ni tiel pensas "prepari" ... futurulojn de nia lingvo. Tagmeze ili plezure manĝis spagetojn kaj glaciaĵojn kun ni.



Jaŭde la 19^{an} de sept.

ni babilade kunsidos je la 19^a, ĉe Karine Deswazière, *derrière le château 23*, en Cheseaux. (076 374 25 11)

Les Marronniers, Vevey
Ma la 1^{an} de oktobro
Decidota

Halo 18 de Beaulieu, Lausanne
Ma la 5^{an} de novembro
Rosario prelegos ...

Auberge communale - Epalinges
Sa la 14^{an} de decembro
Zamenhofa Festo

Nu, sur la planedo de la eta princo estis teruraj semoj... baobaboj. La grundo de la planedo estis danĝere plena de ili. Se oni tro malfrue zorgas pri baobaboj, oni neniam plu povas forigi ĝin. Ĝi invadas la tutan planedon. Ĝi traboras ĝin per siaj radikoj. Kaj, se la planedo estas tro malgranda kaj la baobaboj tro multaj, ili krevigas ĝin...

"Tio estas demando pri disciplino," pli poste diris al mi la eta princo. "Kiam oni finis sian matenan tualetadon, oni devas zorge fari tiun de la planedo. Oni devas devigi sin regule eltiradi la baobabojn, tuj kiam oni distingis ilin de roz-arbetoj, al kiuj ili multe similas, kiam ili estas tre junaj. Tio estas tre teda, tamen tre facila laboro."

Kaj iun tagon li konsilis, ke mi penu fari pri tio belan desegnaĵon, por efektive enkapigi tion al la infanoj de mia planedo. "Se ili iam vojaĝos," li diris al mi, "tio eble utilis al ili. Iufoje oni povas prokrasti sian laboron kaj ne gravas. Sed, se temas pri baobaboj, ĉiam okazos katastrofo. Mi konis planedon, sur kiu loĝis mallaboremulo. Li malatentis tri arbustojn..."

Laŭ indikoj de la eta princo mi desegnis tiun planedon. Mi ne multe ŝatas paroli kun moralista tono. Sed la danĝero de la baobaboj estas tiom malmulte konata, kaj la riskoj por tiu, kiu vojeras sur asteroido, tiel multe konsiderindaj, ke ĉi-foje mi escepte forlasas mian rezerviĝemon. Mi diras: "Infanoj! Atentu la baobabojn!"

Por averti miajn amikojn pri tiu nekonata danĝero, kiu preskaŭ trafis ilin kaj min mem, mi tiom multe prizorgis tiun desegnon. La leciono, kiun mi donis, multe valoris.

Eble vi demandos vin: "Kial en ĉi tiu libro ne estas aliaj desegnoj tiel grandiozaj, kiel la desegno de la baobaboj?"

La respondo ja estas simpla: Mi provis, sed mi ne povis suk-

18

cesi. Kiam mi desegnis la baobabojn, mi estis pelata de urĝosento.



19

VI

Ho, eta princo, mi ekkomprenis tiele, iom-post-iome, vian melankolian vivon... Dum longa tempo vi havis kiel distraĵon nur la mildecon de sunsubiroj. Tiun ĉi novan detalon mi eksciis la kvaran tagon matene, kiam vi diris al mi:

"Al mi multe plaĉas sunsubiroj. Ni iru vivi sunsubirojn!..."


"Sed necesas atendi."

"Kion atendi?"

"Ke la suno subiru."

Unue vi ŝajnis tre surprizita, sed poste ridis pri vi mem. Kaj vi diris al mi:

"Mi ĉiam pensas kvazaŭ mi estus hejme!" Efektive. Kiam tagmezas en Usono, la suno — ĉiuj scias tion — subiras super Francio. Por ĉeesti la sunsubiron sufiĉus, ke oni povu en unu minuto



21

atingi Francion. Bedaŭrinde, Francio estas multe tro malproksima. Sed sur via tiel eta planedo sufiĉis, ke vi tiru vian seĝon je kelkaj paŝoj. Kaj vi rigardis krepuskon tiel ofte kiel vi deziris...

"Unu tagon mi vidis la sunon subiri kvardek tri fojojn!"

Kaj iom pli poste vi aldonis:

"Vi scias... se oni estas malgaja, oni amas sunsubirojn..."

"Do, ĉu en la kvardek-tri-foja tago vi estis tiom malĝoja?"

Sed la eta princo ne respondis.